

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**V L A D A**

Broj: 02/1-04-10486/21  
Tuzla, 26.03.2021. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06, 13/11 i 15/17), a u vezi sa Zaključkom broj: 02/1-33-4331/21 od 09.03.2021. godine, Vlada Tuzlanskog kantona na sjednici održanoj 26.03.2021. godine, d o n o s i

**Z A K L J U Č A K**

Usvajaju se Naredbe utvrđene na sjednici Kriznog štaba Ministarstva zdravstva Tuzlanskog kantona održanoj dana 26.03.2021. godine, kako slijedi:

1. Usvajaju se naredbe i preporuke Kriznog štaba Federalnog ministarstva zdravstva od 23.03.2021. godine, uključujući naredbu o ograničenom kretanju stanovništva od 21h do 05 h i ograničenje istovremenog boravka do 20 osoba u zatvorenim i otvorenim prostorima.
2. Zahtijeva se od nadležnih institucija države BiH promptno djelovanje u smislu uvođenja obaveze posjedovanja negativnog PCR testa starog maksimalno 48 sati, ili dokaza o prebolovanoj bolesti ili serološkog nalaza koji to potvrđuje datumom izdavanje ne starijim od 6 mjeseci, za ulazak na teritoriju BiH, za sve strane državljane i državljane BiH koji imaju prebivalište u drugim državama.
3. Naredbe i preporuke donesene od strane Kriznog štaba Ministarstva zdravstva Tuzlanskog kantona donesene u ranijem periodu ostaju na snazi do daljnjeg.
4. Posjete domovima za stara i iznemogla lica na području Tuzlanskog kantona obustavljaju se do daljnjeg.
5. Obustava izvođenja praktične nastave za sve učenike i studente koju istu obavljaju u javnim i privatnim zdravstvenim ustanovama na području Tuzlanskog kantona osim za studente XII semestra Medicinskog fakulteta (klinički staž) se nastavlja do daljnjeg.
6. Obustavlja se izvođenje hladnog operativnog programa u svim javnim i privatnim zdravstvenim ustanovama bolničkog nivoa na području Tuzlanskog kantona.
7. Pružnje specijalističko – konsultativnih zdravstvenih usluga bolničkog i vanbolničkog nivoa obezbjediti u skladu sa potrebama građana, uz uvažavanje ljudskih i tehničkih mogućnosti ustanova u trenutnim epidemiološkim uvjetima.
8. Od Kantonalne uprave za inspeksijske poslove Tuzlanskog kantona, nadležnih gradskih/općinskih inspekcija i Uprave policije Tuzlanskog kantona traži se nastavak intenzivnih aktivnosti u smislu kontrole provedbe donesenih naredbi, sa akcentom na kladionice.

9. Traži se Kantonalne uprave za inspekcijske poslove da predlože izmjenu zakonskih rješenja u oblasti inspekcijske djelatnosti koja bi omogućila jačanje kapaciteta navedenih institucija u kontroli sprovedbe epidemioloških mjera.
10. Traži se od Ministarstva obrazovanja i nauke da, počevši od ponedjeljka 29.03.2021. godine pa do ponedjeljka 12.04.2021. godine na univerzitetima, visokoškolskim ustanovama, u srednjim školama i osnovnim školama (redovne i paralelne osnovne i srednje škole) za razrede od 6. do 9. pređu na online model organiziranja nastave. Nastava u osnovnim školama od razreda 1. do 5. će se odvijati po ranije utvrđenom principu rada. Predškolske ustanove nastavljaju sa radom.
11. Zabranjuje se obavljanje svih vannastavnih aktivnosti (dodatna nastava, kursevi, škole stranih jezika, treninzi u zatvorenom prostoru i sl.). Preporučuje se upotreba online alata za edukaciju, te organizovanje trenažnih procesa na otvorenom.
12. Zabranjuju se do daljnjeg sportsko rekreativne aktivnosti u zatvorenom prostoru izuzimajući treninge i takmičenja sportskih klubova koji učestvuju u takmičenjima na kantonalnom, federalnom i državnom nivou.
13. Traži se od svih javnih zdravstvenih ustanova na teritoriji Tuzlanskog kantona da osiguraju mogućnost uzimanja briseva na SARS-CoV-2 svih sedam dana u sedmici, u skladu sa potrebama građana, kapacitetima ustanova i procjenom higijensko-epidemioloških službi.
14. Preporučuje se nadležnim kantonalnim organima, kao i gradovima i općinama na području Tuzlanskog kantona, kao osnivačima zdravstvenih ustanova da, hitno iznađu načine finansiranja i omogućće angažovanje raspoloživih, a potrebnih zdravstvenih radnika u zdravstvene ustanove na području Tuzlanskog kantona, u skladu sa sistematizacijom i potrebama ustanova, kroz raspoložive modalitete prijema u uvjetima pandemije, uz saglasnost osnivača.
15. Traži se od gradova i općina na području Tuzlanskog kantona da, u skladu sa naredbom o standardima i normativima zdravstvene zaštite iz obaveznog zdravstvenog osiguranja, preuzmu dio finansiranja higijensko-epidemiološke djelatnosti u zdravstvenim ustanovama čiji su osnivači (do 10 %).
16. Traži se od gradova i općina na području Tuzlanskog kantona da hitno pristupe zapošljavanju potrebnog broja sanitarnih inspektora.
17. Od Kriznih štabova gradova i općina na području Tuzlanskog kantona se traži da se formiraju i finansiraju rad call centara za potrebe stanovništva. Call centri će se organizirati pri Kriznim štabovima ili štabovima civilne zaštite gradova i općina. Osobe angažovane u ovakvim centrima moraju biti medicinski radnici. Za edukaciju angažovanih medicinskih radnika zadužuju se domovi zdravlja na pripadajućem području. Uloga centara se sastoji u informisanju stanovništva putem odgovora na postavljena pitanja, kao i u izvještavanju i obavještavanju nadležnih službi domova zdravlja (porodična medicina, HES).
18. Traži se od Ministarstva zdravstva da formira radno tijelo koje će izraditi smjernice i klinički put za oboljele od SARS-CoV-2 u roku do 10 dana.

19. Od Zavoda za javno zdravstvo se traži da finalizira detaljan plan vakcinacije na teritoriji Tuzlanskog kantona u skladu sa specifičnostima različitih vakcina u pogledu transporta, čuvanja i aplikacije, te da isti u roku do 7 dana dostavi i prezentira javnosti.
20. Preporučuje se nadležnim kantonalnim organima da obezbijede finansijska sredstva za nabavku potrošnog i drugog materijala i opreme neophodnog za okončanje procesa vakcinacije stanovništva na području Tuzlanskog kantona.
21. Traži se od Ministarstva zdravstva i Zavoda zdravstvenog osiguranja Tuzlanskog kantona da razmotre mogućnosti subvencije niskomolekularnog heparina pacijentima oboljelim od SARS-CoV-2 u skladu sa kriterijima koji će biti definirani u skladu sa kliničkom praksom.
22. Traži se od Ministarstva trgovine, turizma i saobraćaja da, u saradnji sa autoprevoznicima, razmotri mogućnost uvođenja dodatnih linija javnog prijevoza radi smanjenja epidemiološkog rizika.
23. Nalaže se radnoj grupi koja je od strane Ministarstva zdravstva formirana sa zadatkom da ispita mogućnost angažovanja kapaciteta Opće bolnice Gračanica za potrebe tretmana SARS-CoV-2 pacijenata da u što kraćem vremenu izvrši naložene aktivnosti.
24. Nalaže se privatnim zdravstvenim ustanovama na teritoriji Tuzlanskog kantona koje obavljaju bolnički tip liječenja da u skladu sa odredbama Federalnog ministarstva zdravstva osiguraju 30% kapaciteta za smještaj COVID pacijenata.
25. Traži se od RTV TK i ostalih medija čiji su osnivači gradovi i općine da, u skladu sa mogućnostima, u što kraćem roku sačine proaktivnu medijsku kampanju koja se odnosi na popularizaciju preventivnih epidemioloških mjera i promociju vakcinacije, te istu učine dostupnom svim drugim medijima za prezentaciju.
26. Zabranjuje se izvođenje muzike uživo u ugostiteljskim objektima na teritoriji Tuzlanskog kantona.
27. Zabranjuje se konzumacija nargile u ugostiteljskim objektima.
28. Ugostiteljskim objektima se preporučuje dominantno korištenje kapaciteta na otvorenom (bašte) uz poštivanje važećih epidemioloških mjera.
29. Nalaže se inspeksijskim organima kontrola aktivnosti u oblasti usluga PCR testiranja u javnim i privatnim ustanovama, a u smislu prijave podataka o broju dnevno testiranih pacijenata prema Zavodu za javno zdravstvo Tuzlanskog kantona, kao i podataka o pozitivnim slučajeva nadležnim HE službama.
30. Traži se od inspeksijskih organa da pojačaju nadzor u provođenju važećih epidemioloških mjera i u privrednim subjektima koji zapošljavaju veći broj ljudi. Navedeno se naročito odnosi na one dijelove organizacije rada gdje dolazi do izrazitih kršenja epidemioloških mjera (dolazak na posao, odlazak, radni proces).
31. Traži se od Uprave policije Tuzlanskog kantona pojačani nadzor osoba kojima je izrečena mjera izolacije/zdravstvenog nadzora od nadležnih organa u smislu poštivanja iste.
32. Traži se od Zavoda za javno zdravstvo Tuzlanskog kantona i Zavoda zdravstvenog osiguranja Tuzlanskog kantona da sagledaju mogućnosti hitne realizacije kreiranja online platforme (stranice) u svrhu prijave građana za vakcinaciju.

33. Naređuje se svim javnim zdravstvenim ustanovama da vrše postupak vakcinacije svih građana sa teritorije grada/općine, bez obzira na status njihovog osiguranja.
34. Traži se od gradonačelnika/načelnika da se u saradnji sa direktorima lokalnih domova zdravlja, uz koordinaciju sa Zavodom za javno zdravstvo Tuzlanskog kantona, izrade prijedloge mogućih lokacija za masovnu vakcinaciju stanovništva i da se isti dostave Zavodu za javno zdravstvo u što kraćem roku. Neophodno je da navedene lokacije budu izvan okvira zdravstvenih ustanova da bi se omogućilo konstantno pružanje drugih vidova zdravstvene zaštite.
35. Ova Naredba se primjenjuje od 27.03.2021. godine, a važi do 09.04.2021. godine.
36. Zadužuje se Ministarstvo zdravstva da ovaj Zaključak dostavi na uvid i dalje postupanje svim dole navedenim organima i institucijama.

**DOSTAVITI:**

- 1 x Gradovi/Općine na području TK
- 1 x KUIP TK
- 1 x MUP TK
- 1 x Uprava policije TK
- 1 x JZU/PZU na području TK – sve
- 1 x Svim ministarstvima
- 1 x ZZO TK i ZZJZ TK
- 1 x Sredstvima informisanja
- 1 x a/a



**PREMIJER KANTONA**

**Kadrija Hodžić**